



2021-y. «17» Ноябрь

№ 03-03/3-3170

«\_\_» \_\_\_\_\_ 2021 г.

**Қорақалпоғистон Республикаси Халқ  
таълими вазири, Тошкент шаҳар халқ  
таълими бош бошқармаси бошлиғи,  
вилоятлар халқ таълими бошқармалари  
бошлиқларига ва вазирлик тизимидаги  
республика бюджетидан  
молиялаштирилаётган ташкилот  
ва муассаса раҳбарларига**

Ўзбекистон Республикаси Президентининг “Шартномавий муносабатларни тубдан такомиллаштириш чора-тадбирлари тўғрисида” 2021 йил 14 сентябрдаги ПФ-6313-сон Фармонида мувофиқ 2022 йил 1 январдан хўжалик юритувчи субъектлар томонидан давлат харидлари билан боғлиқ тузиладиган шартномаларда мажбурий равишда коррупцияга қарши қўшимча шартлар белгиланиши назарда тутилган.

Ўзбекистон Республикаси Адлия вазирлиги, Коррупцияга қарши курашиш агентлиги ва Савдо-саноат палатасининг 2021 йил 12 ноябрдаги 1/4671,01-19/7284,7/01-08-9544-сон қарори билан хўжалик юритувчи субъектлар томонидан шартномалар тузишда қўллаш учун тавсиявий характерга эга бўлган коррупцияга қарши қўшимча шартлар тасдиқланганлигини маълум қиламиз. (илова қилинади)

Шунга сабабли, хўжалик юритувчи субъектлар билан шартномалар тузишда тавсиявий характерга эга бўлган **коррупцияга қарши қўшимча шартлар** фаолиятда қўллаш учун юборилмоқда.

Илова: варақда.

Вазир ўринбосари

Т. Комилов

Ижрочи: Ш.Ешназаров  
Тел: 71-241-01-20



ЎЗБЕКИСТОН РЕСПУБЛИКАСИ АДЛИЯ ВАЗИРЛИГИ  
ЎЗБЕКИСТОН РЕСПУБЛИКАСИ КОРРУПЦИЯГА ҚАРШИ  
КУРАШИШ АГЕНТЛИГИ  
ЎЗБЕКИСТОН РЕСПУБЛИКАСИ САВДО-САНОАТ ПАЛАТАСИНING  
ҚАРОРИ

Хўжалик юритувчи субъектлар томонидан шартномалар тузишда қўллаш учун  
тавсиявий характерга эга бўлган коррупцияга қарши қўшимча шартларни  
тасдиқлаш тўғрисида

Ўзбекистон Республикаси Президентининг “Шартномавий муносабатларни  
тубдан такомиллаштириш чора-тадбирлари тўғрисида” 2021 йил 14 сентябрдаги  
ПФ-6313-сон Фармонида мувофиқ, Ўзбекистон Республикаси Адлия вазирлиги,  
Коррупцияга қарши курашиш агентлиги ва Савдо-саноат палатаси қарор қилади:

1. Хўжалик юритувчи субъектлар томонидан шартномалар тузишда қўллаш учун  
тавсиявий характерга эга бўлган коррупцияга қарши қўшимча шартлар иловага  
мувофиқ тасдиқлансин.

2. Адлия вазирлиги, Коррупцияга қарши курашиш агентлиги ва Савдо-саноат  
палатаси мазкур коррупцияга қарши қўшимча шартларнинг моҳияти ва аҳамияти  
хўжалик юритувчи субъектлар ўртасида тушунтирилишини таъминласин.

Адлия вазири

Тошкент ш.,  
2021 йил “12” ноябрь,  
1/4621 -сон


Коррупцияга қарши курашиш  
агентлиги директори

Тошкент ш.,  
2021 йил “12” ноябрь,  
01-1917284 -сон


Савдо-саноат палатаси раиси

Тошкент ш.,  
2021 йил “12” ноябрь,  
7101-08-9544 -сон



 Р. Давлатов



 А. Бурханов



 А. Икромов

**Хўжалик юритувчи субъектлар томонидан шартномалар  
тузишда қўллаш учун тавсиявий характерга эга бўлган  
коррупцияга қарши қўшимча шартлар**

1. Тарафлар шартнома тузишда, шартноманинг амал қилиш муддатиди ва ушбу муддат тугаганидан сўнг, шартнома билан боғлиқ коррупциявий ҳаракатларни содир қилмасликка келишиб оладилар.

2. Тарафлар шартномадаги коррупцияга қарши қўшимча шартларда белгиланган коррупциянинг олдини олиш чораларини тан олади ва уларга риоя этилиши бўйича ҳамкорликни таъминлайдилар.

3. Ҳар бир тараф шартнома тузилган пайтда бевосита ўзи ёки унинг ижроия органлари, мансабдор шахслари ва ходимлари томонидан шартнома билан боғлиқ муносабалар юзасидан қонунга хилоф равишда пул, моддий қийматликлар берилмаганлигини, шартнома тузилиши эвазига норасмий пул ёки бошқа моддий қийматликлар олинишига йўл қўйилмаганлигини, таклиф этилмаганлигини, уларни беришга ваъда қилинмаганлигини, шунингдек моддий ёки ҳар қандай турдаги имтиёз, устунликлар олинмаганлигини (қелажақда бу турдаги ҳаракатларни амалга ошириши мумкинлиги ҳақида таассурот қолдирилмаганлигини) қафолатлайди.

Тарафлар, улар томонидан шартнома доирасида жалб қилинган шахсларнинг (ёрдамчи пудратчи ташкилотлар, агентлар ва тарафлар назорати остидаги бошқа шахсларнинг) юқоридаги ҳаракатларни содир этмаслиги юзасидан оқилона чоралар кўради.

4. Тарафлар давлат хизматчилари, сиёсий партиялар, шунингдек ўзининг ижроия органлари, мансабдор шахслари ва ходимлари томонидан ҳар қандай вақт ва шаклда қуйидаги ҳаракатларни бевосита ёки билвосита (шу жумладан, учинчи шахслар орқали) содир этилишига йўл қўймайди:

а) назорат қилувчи органлардан лицензия ва рухсатномалар олиш, солиқ солиш, божхона расмийлаштирувини амалга ошириш, судда иш қўрилиши, қонунчилик жараёни ва бошқа соҳаларда қонунга хилоф равишда тижорат ёки бошқа тусдаги устунликка эга бўлиш ёки сақлаб қолиш мақсадида юқоридати шахслар фойдасига ёки улар томонидан моддий ёки номоддий наф олишнинг таклиф этилиши, ваъда қилиниши, берилишига;

б) қонунга хилоф равишда олинган даромадларнинг легаллаштирилишига, шунингдек, агар мулк жинсий фаолиятдан олинган даромад эканлиги тарафларга маълум бўлса, уни ўтказиш, мулкка айлантириш ёхуд алмаштириш йўли билан

унинг келиб чиқишига қонуний тус бериш, бундай пул маблағлари ёки бошқа мол-мулкнинг асл хусусиятини, манбаини, турган жойини, тасарруф этиш, қўчириш усулини, пул маблағларига ёки бошқа мол-мулкка бўлган ҳақиқий эгалик ҳуқуқларини ёки унинг кимга қарашлилигини яширишга;

в) коррупцияга оид ҳуқуқбузарлик содир қилиш учун таъмағирлик қилиш, ундаш, тазйиқ ўтказиш ёки таҳдид қилиш. Ушбу ҳолат бўйича бир тараф иккинчи тарафни ҳамда ваколатли давлат органларини дарҳол хабардор қилиши шарт.

5. Тарафлар товарлар, хизмат ва ишларни рсализация қилиш ва ўтказишда, битимлар тузиш бўйича музокаралар олиб боришда, лицензия, рухсатномалар ва бошқа рухсат этиш хусусиятига эга бўлган ҳужжатларни олишда ёки уларнинг малфаатларини қўзлаб бошқа ҳаракатларни амалга оширувчи тарафларнинг назорати остида бўлган ва улар номидан ҳаракат қиладиган шахсларга (шу жумладан, ёрдамчи пудратчилар, агентлар, савдо вакиллари, дистрибьютерлар, ҳуқуқшунослар, ҳисобчилар, улар номидан ҳаракат қилувчи бошқа вакиллarga) нисбатан қўйидаги ҳаракатларни амалга ошириши шарт:

- коррупциявий ҳаракатларга йўл қўйиб бўлмаслиги ва коррупциявий ҳаракатларга нисбатан мурасиз муносабатда бўлиши шартлиги ҳақида кўрсатмалар ва тушунтиришлар бериш;

- улардан коррупциявий ҳаракатларни амалга ошириш учун воситачи сифатида фойдаланмаслик;

- уларни фақат тарафнинг оддий кундалик фаолияти жараёнидаги ишлаб чиқариш зарураги доирасидан келиб чиқиб ишга жалб қилиш;

- уларга қолунчилик доирасида амалга оширган хизматлари учун белгиланган ҳақ миқдоридан асосиз равишда ортиқча тўловларни амалга оширмаслик.

6. Тарафлар уларнинг назорати остида бўлган ва улар номидан ҳаракат қиладиган шахслар томонидан коррупцияга қарши қўшимча шартларда белгиланган мажбуриятлар бузилганлиги ҳолатлари ҳақида хабар берилганлиги учун уларга тазйиқ ўтказилмаслигини кафолатлайдилар.

7. Агар бир тарафга бошқа тарафнинг коррупцияга қарши қўшимча шартларнинг 4 ва 5-бандларида белгиланган мажбуриятларни бузилишига йўл қўйганлиги маълум бўлиб қолса, иккинчи тарафни бу ҳақда зудлик билан хабардор қилиши ва ушбу тарафдан оқилона муддат ичида тегишли чоралар қўрилишини ва амалга оширилган ишлар юзасидан унга хабардор қилилини талаб қилиши шарт.

Тарафнинг талаби бўйича иккинчи тараф томонидан қоидабузарликларни бартараф қилиш бўйича оқилона муддат ичида тегишли чоралар қўрилмаган ёки қўриб чиқиш натижалари ҳақида хабардор қилмаган тақдирда, ушбу тараф шартномани бир тарафлама тўхтатиб туришга, бекор қилишга ҳамда зарарни тўлиқ қоплаб беришни талаб қилишга ҳақли.

